




INNOVATIVE WORLD
Ilmiy tadqiqotlar markazi

ZAMONAVIY ILM-FAN VA TA'LIM: MUAMMO VA YECHIMLAR ILMIY-AMALIY KONFERENSIYA



+998335668868



<https://innoworld.net>

Google Scholar doi

zenodo

OpenAIRE

2025



**«INNOVATIVE WORLD» ILMIY TADQIQOTLARNI QO'LLAB-
QUVVATLASH MARKAZI**

**«ZAMONAVIY ILM-FAN VA TADQIQOTLAR: MUAMMO VA
YECHIMLAR» NOMLI 2025-YIL № 4-SONLI ILMIY, MASOFAVIY,
ONLAYN KONFERENSIYASI**

**ILMIY-ONLAYN KONFERENSIYA TO'PLAMI
СБОРНИК НАУЧНЫХ-ОНЛАЙН КОНФЕРЕНЦИЙ
SCIENTIFIC-ONLINE CONFERENCE COLLECTION**

Google Scholar



ResearchGate

zenodo



ADVANCED SCIENCE INDEX



Directory of Research Journals Indexing

www.innoworld.net

O'ZBEKISTON-2025



Volume 2 Issue 4 | 2025 |

+99894 5668868 | @Anvarbek_PhD

Page | 2

**AXBOROTLASHGAN JAMIYATDA TALABALARNING VATANPARVARLIK
KOMPETENSIYASINI MILLIY QADRIYATLAR VOSITASIDA
RIVOJLANTIRISH****Karimov Dilmurod Abdullahafizovich**

Namangan davlat universiteti

Annotatsiya. Maqolada axborotlashgan jamiyat sharoitida talabalarda vatanparvarlik kompetensiyasini milliy qadriyatlar asosida rivojlantirish masalasi yoritiladi. Yevropa Ittifoqi ta'lim tadqiqot institutlari, xususan EERA doirasida olib borilgan ilmiy izlanishlar asosida milliy an'ana va qadriyatlarning raqamli ta'lim jarayoniga integratsiyalashuvining samaradorligi tahlil qilinadi. Globallashuv va raqamli texnologiyalar ta'sirida yoshlarning dunyoqarashi va ma'naviy qadriyatlarida yuz berayotgan o'zgarishlar kontekstida vatanparvarlik tuyg'usini shakllantirish metodikasini takomillashtirish zaruriyati asoslab beriladi. Raqamli platformalar, interaktiv vositalar, milliy merosni targ'ib etuvchi virtual resurslar talabalarda milliy o'zlikni anglash, tarixiy xotirani mustahkamlash va fuqarolik pozitsiyasini rivojlantirish jarayonidagi roli ko'rsatib o'tiladi. Maqolada shuningdek, axborot madaniyati, ma'naviy-etika tamoyillari va milliy tarbiya uyg'unligi ta'lim samaradorligini oshirishda muhim omil ekanligi ta'kidlanadi.

Kalit so'zlar: axborotlashgan jamiyat, milliy qadriyatlar, vatanparvarlik kompetensiyasi, raqamli ta'lim, globallashuv, EERA, milliy meros, axborot madaniyati, ma'naviy tarbiya.

Kirish. Bugungi axborotlashgan jamiyat sharoitida milliy qadriyatlar asosida talaba-yoshlarda vatanparvarlik kompetensiyasini rivojlantirish - nafaqat bir mamlakat, balki butun insoniyat kelajagi uchun muhimdir. Zero, zamonaviy talabalar axborot oqimi ortib borayotgan sharoitda milliy manbalardan olingan g'oyalar, tarixiy tajribalar asosida vatanga sadoqat ruhida tarbiyalangandagina, ular jahon miqyosida shakllanayotgan umuminsoniy qadriyatlar bilan munosabatlar o'rnatishga qodir bo'ladilar. Shu bilan birga, ko'plab ilmiy manbalarda axborot oqimi ostida madaniyatlar o'zaro ta'siri ortib borayotgan bir paytda, talaba-yoshlar ruhiyatida vatanparvarlik tuyg'usi va milliy qadriyatlarga hurmat bilan yondashuvni rivojlantirish uchun yangicha metodika va pedagogik yondashuvlar ishlab chiqilmoqda.

Asosiy qism. Axborotlashgan jamiyatda ta'lim samaradorligini oshirishda fuqarolik jamiyati, demokratiya prinsiplari va an'anaviy qadriyatlar bilan bog'liq milliy tarbiya alohida e'tiborda turganligi ko'zga tashlanadi. Xususan, Yevropa Ittifoqining ta'lim sohasidagi ilmiy instituti (European Educational Research Association -EERA) doirasida milliy an'ana, qadriyatlar va zamonaviy axborot texnologiyalari haqida chuqur tadqiqotlar olib borilgan. Ushbu tadqiqotlarda milliy qadriyatlar asosida talabalarda vatanparvarlik kompetensiyasini rivojlantirish birinchidan, ularda milliy

marosimlar, an'anaviy sport o'yinlari va tarixiy qahramonlar merosini jalb qiluvchi raqamli ta'lim platformalari yordamida; ikkinchidan, targ'ibot-tashviqot materiallari, onlayn materiallar va qulay interaktiv vositalar orqali amalga oshirish afzalliklari ta'kidlangan. Axborotlashgan jamiyat sharoitida talabalarda vatanparvarlik kompetensiyasini rivojlantirish masalasi bugungi kunda Yevropa ilmiy-tadqiqot markazlari uchun ham dolzarb ahamiyat kasb etmoqda. Chunki globallashuv jarayonlari va raqamli texnologiyalarning jadal rivojlanishi ta'lim sohasida milliy qadriyatlar negizida vatanparvarlik hissini shakllantirish metodikasini takomillashtirishni talab qilmoqda.

Respublikamiz yoshlarning vatanparvarlik tuyg'usini rivojlantirish va milliy qadriyatlarni singdirish jarayoni hozirgi globallashuv sharoitida muhim ahamiyatga ega. Axborot texnologiyalari va globallashuv jarayonlari yoshlarning dunyoqarashi va qadriyatlariga ta'sir ko'rsatmoqda. Shu sababli, milliy o'zlikni saqlash va rivojlantirish zarurati ortib bormoqda. Talabalarning vatanparvarlik kompetensiyasini milliy qadriyatlar asosida shakllantirish, ularga milliy tarix, madaniyat va an'analarni chuqur o'rgatish bugungi kunning muhim talablari qatoriga kiradi. Bu esa, o'z navbatida, jamiyatda milliy birdamlik va barqarorlikni ta'minlashga xizmat qiladi. Aynan shunday sharoitda mamlakatimiz yoshlarini vatanparvarlik, shu jumladan, yuksak ma'naviy-axloqiy qadriyatlar ruhida tarbiyalash, ularning ongiga tinchlik va totuvlikni ko'z qorachig'idek asrab-avaylash zarurligini chuqur singdirish, "Xalq va armiya - bir tan-u bir jondir!" degan ezgu g'oya asosida yoshlar tarbiyasiga mas'ul vazirlik va idoralarning kuch va imkoniyatlarini bir g'oya, bir maqsad asosida birlashtirish talab etilmoqda.

Axborotlashgan jamiyat sharoitida milliy qadriyat, bu axborot texnologiyalarining tez rivojlanishi va globalizatsiya jarayonlarining kuchayishi davrida milliy o'zlikni, madaniyatni va an'analarga bo'lgan hurmatni saqlash hamda rivojlantirishning muhim jihatidir.

Axborotlashgan jamiyat tushunchasi bilan bir qatorda, vatanparvarlikka oid falsafiy tahlil shuni ko'rsatadiki, har qanday kuchli texnologik asos ham inson qalbidagi milliy go'shalarga xizmat qilishi uchun ma'rifat bilan boyitilishi lozim. Talabalarda axborotdan cheklangan darajada foydalanish o'rniga, aksincha, ularni tanqidiy fikrlash, ilmiy yondashuv va ma'naviy yuksalish sari undashi juda muhim. Negaki, ommaviy axborot vositalari va raqamli tarmoqlar kutilmagan og'uga o'xshash ta'sirni ko'rsatishi mumkin, ya'ni talabalarni virtual olamga chulg'ab olib, ularda jamiyat hayotida faol bo'lish, o'z xotirasidagi tarixiy ildizlardan ilhomlanib yangilik yaratish kabi qobiliyatlarni susaytirishi ehtimoli bor. Shu bois, axborotlashgan jamiyat sharoitida milliy qadriyatlar talqini beg'araz tarbiya, axborot madaniyati va ma'naviy etika bilan uyg'unlashishi lozim.

Xulosa. Axborotlashgan jamiyat sharoitida talabalarda vatanparvarlik kompetensiyasini rivojlantirish ta'lim tizimi oldida turgan ustuvor vazifalardan biridir. Raqamli texnologiyalar, global madaniy oqimlar va axborotlarning cheksizligini hisobga olganda, milliy qadriyatlar asosida

tarbiya jarayonini kuchaytirish nafaqat ma'naviy ehtiyoj, balki jamiyatning barqaror rivojlanishi uchun zaruriy omilga aylanmoqda. Tadqiqotlar shuni ko'rsatadiki, milliy an'analar, tarixiy meros, marosimlar va sport o'yinlarini raqamli ta'lim platformalariga integratsiya qilish talabalar ongida milliy o'zlikni anglash va vatanparvarlik tuyg'usini mustahkamlashga xizmat qiladi.

Shuningdek, yoshlarning tanqidiy fikrlashini rivojlantirish, axborot madaniyati va ma'naviy-etika me'yorlarini singdirish ularni global axborot makonidagi turli xavflardan himoya qiladi hamda milliy g'oya va qadriyatlarga sodiq, faol fuqarolar sifatida shakllanishiga yordam beradi. Shu bois, ta'lim jarayonida raqamli imkoniyatlar va milliy tarbiya mexanizmlarini uyg'unlashtirish, mas'ul tashkilotlarning o'zaro hamkorligini kuchaytirish hamda yoshlar ongiga tinchlik, totuvlik va milliy birdamlik g'oyalarini singdirish dolzarb vazifalardan biri bo'lib qoladi.

Foydalanilgan adabiyotlar

1. **1. UNESCO.** *Education in a Digital World: Global Education Monitoring Report.* Paris: UNESCO Publishing, turli yillar nashrlari.
2. **European Educational Research Association (EERA).** *European Educational Research Journal (EERJ)* va EERA rasmiy ma'lumotlari. <https://eera-ecer.de>
3. **Castells, M.** *The Rise of the Network Society.* Oxford: Blackwell Publishing, 2010.
4. **Karimov, I. A.** *Yuksak ma'naviyat – yengilmas kuch.* Toshkent: Ma'naviyat, 2008.
- 7.